

# **Cumegn da Surses**



**Ordinaziun davart contribuziuns da  
promoziun a juniors da sport**

## Cuntign

	Pagina
Art. 1 - Intent	3
Art. 2 - Furma da sustign	3
Art. 3 - Dretg a contribuziuns	3
Art. 4 - Documaints per la dumonda	3
Art. 5 - Decisiun	3
Art. 6 - Cumprova digl adiever dallas contribuziuns conform agl intent	3
Art. 7 - Resalva da restituziun	3
Art. 8 - Antrada an vigour	4

Relaschea dalla suprastanza communal sa basond sen art. 3 dalla costituziun communal.

Denominaziuns da persungas e da funcziuns ainten chella ordinaziun sa refereschon a tot las schlattagnas, schinavant tgi sa resulta navot oter digl senn dalla lescha.

Intent	<p><b>Art. 1</b></p> <p>Igl cumegn da Surses vign adegna puspe confrunto cun dumondas per sustign finanziel da juniors da sport. Aint igl passo ò igl cumegn paea diversas contribuziuns da sustign. Cun l'ordinaziun preschainta duess neir garantia tg'igls meds disponibels vignan impundias a moda intenziunada cun ena practica unifitgeida.</p>
Furma da sustign	<p><b>Art. 2</b></p> <p>La suprastanza communal pò sustigneir juniors da sport domiciliias aint igl cumegn aint igl sectour da sport da prestaziun cun contribuziuns annualas da maximal 20 procent dallas expensas tgi stattan an connex cun l'execuziun sportiva, pero max. cun CHF 8'000.00.</p>
Dretg a contribuziuns	<p><b>Art. 3</b></p> <p>I pon neir concedeidas contribuziuns a juniors dalla grupp da vigliadetna da 16 - 25 onns, schinavant tgi chels son cumprovar tgi appartignan ad en'organisaziun da juniors professiunala.</p>
Documaints per la dumonda	<p><b>Art. 4</b></p> <p><sup>1</sup> Dumondas per ena contribuziun da promoziun on da neir inoltradas mintg'onn alla suprastanza communal. Chegl cun igl formular «dumonda per ena contribuziun da promoziun per juniors aint igl cumegn da Surses», e cun ulteriours documaints eventuals.</p> <p><sup>2</sup> Igl basigns da sustign stò neir demusso plausiblamaintg ainten la dumonda.</p> <p><sup>3</sup> Tar petents minorens pon neir risguardadas las relaziuns d'antrada e da facultad dallas persungas responsablas per l'educaziun scu criteri per conceder en'eventuala contribuziun.</p>
Decisiun	<p><b>Art. 5</b></p> <p><sup>1</sup> La suprastanza communal decida da maniera definitiva.</p> <p><sup>2</sup> I n'exista nign dretg legal ad en sustign.</p>
Cumprova digl adiever dallas contribuziuns conform agl intent	<p><b>Art. 6</b></p> <p>Sen dumonda dalla suprastanza communal ègl a tot taimp da render chint davart igl adiever conform agl intent dallas contribuziuns retschettas.</p>
Resalva da restituziun	<p><b>Art. 7</b></p> <p>La suprastanza communal pò pretender anavos da tot taimp contribuziuns tgi èn neidas utilisadas cumprovadaintg per en oter intent tgi chel previa u tgi èn neidas paedas a fundamaint d'indicaziuns falladas u insuffiziaintas.</p>

Antrada an vigour

**Art. 8**

L'ordinaziun preschainta è neida approvada dalla suprastanza communal igls 2 d'otgover 2023 cun antrada an vigour per data digl conclus.

**La suprastanza communal Surses**

Igl mastral:



.....  
Daniel Wasescha

Igl scrivant da cumegn:



.....  
Beat Jenal